

(<https://news.usm.my>)

Berita Mutakhir

21
MAR

USM TERIMA KUNJUNGAN DELEGASI RATTANA BUNDIR UNIVERSITY



USM, PULAU PINANG, 21 Mac 2018 – Universiti Sains Malaysia (USM) terus menjadi tumpuan pelawat antarabangsa apabila menerima kunjungan rasmi daripada delegasi Rattana Bundit University (RBU), Thailand yang diketuai oleh Naib Presidennya, Profesor Madya Dr. Supawadee Chuangchot.

Lawatan ini lebih memberi fokus kepada usaha kolaborasi antara kedua-dua universiti terutamanya dalam bidang akademik, mobiliti pelajar dan tadbir urus.

Pengarah Pusat Mobiliti dan Kolaborasi Antarabangsa (IMCC) USM, Dr. Muhizam Mustafa mempengerusikan perbincangan rasmi ketika lawatan ini.



Menurut Muhizam, USM komited dalam kerjasama peringkat serantau dan global yang boleh memberi faedah kepada kedua-dua pihak dalam usaha mempertingkatkan inisiatif pengantarabangsaannya.

Pada sebelah petang, delegasi seramai 38 orang ini (13 orang staf pentadbiran dan 25 orang pengerusi rancangan program sarjana muda) mengadakan lawatan dan perbincangan ke Pusat Pengajian antaranya PP Seni, PP Pengurusan, PP Komunikasi, PP Sains Komputer dan PP Ilmu Pendidikan.



Ditubuhkan pada tahun 1997, Rattana Bundit University ialah institusi pendidikan tinggi swasta yang mempunyai kampus di kota metropolis Bangkok dan menawarkan program pengajian pada peringkat ijazah pertama dan pascasiswazah.

Teks: Syuhada Abd. Aziz



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015